

Broj: 01-11-11-03148-2/2024  
Sarajevo, 27.6.2024. godine

Na osnovu člana 64. stav (1) tačka b), člana 70. st. (1), (3) i (6) Zakona o javnim nabavkama Bosne i Hercegovine („Službeni glasnik BiH“, br. 39/14 I 59/22), te člana 9. Pravilnika o uslovima i načinu korištenja e-aukcije („Službeni glasnik BiH“, broj 80/23), nakon razmatranja Preporuke Komisije za javne nabavke 01-11-11-03148-1/2024 od 25.6.2024. godine, Direktor Federalne uprave za inspekcijske poslove u ime ugovornog organa, donosi,

## **ODLUKU**

**o izboru najpovoljnijeg ponuđača i dodjeli ugovora o nabavci roba – kancelarijski materijal**

### **Član 1.**

Prihvata se preporuka komisije za javne nabavke uprave broj 01-11-11-03148-1/2024 od 25.6.2024. godine, te se ugovor o nabavci roba – kancelarijski materijal, po provredenom postupku konkurentskog zahtjeva za dostavljanje ponude uz primjenu e-aukcije dodjeljuje ponuđaču „OFFICE SUPPORT“ d.o.o. Sarajevo-Ilidža, čija ponuda broj 430/24 od 6.6.2024. godine je ocijenjena najpovoljnijom.

### **Član 2.**

Ugovor sa ponuđačem „OFFICE SUPPORT“ d.o.o. Sarajevo-Ilidža, zaključit će se pod slijedećim uslovima:

- Ukupna cijena bez uračunatog PDV-a 16.500,00 KM, odnosno 19.305,00 KM sa uračunatim PDV-om
- Isporuka roba će se vršiti sukcesivno u skladu sa potrebama Ugovornog organa u roku od 3 (tri) dana od dana prijema pismene narudžbe
- Mjesto isporuke roba je sjedište ugovornog organa u Sarajevu, Fehima ef. Čurčića broj 6
- Ugovor će se zaključiti na period od 1 godine od dana obostranog potpisivanja ugovora, odnosno do maksimalno ugovorenog iznosa
- Rok plaćanja je 30 dana od dana prijema fakture za isporučene robe na protokol Ugovornog organa.

### **Član 3.**

Ponuđač „OFFICE SUPPORT“ d.o.o. Sarajevo-Ilidža je dužan u roku od 5 (pet) dana od dana prijema ove odluke dostaviti uvjerenja nadležnih organa kojim dokazuje slijedeće činjenice:

- uvjerenje nadležnog suda da nije pravomoćnom sudskom presudom u krivičnom postupku osuđen za krivična djela organiziranog kriminala, korupcije, prijevare ili pranja novca u skladu sa važećim propisima u Bosni i Hercegovini
  - uvjerenje nadležnog suda da nije pod stečajem, odnosno da nije predmet stečajnog postupka ili predmet likvidacijskog postupka
  - uvjerenje nadležne poreske uprave na osnovu koje se može utvrditi da uredno izmiruje obaveze za penziono i invalidsko osiguranje i zdravstveno osiguranje
  - uvjerenja nadležnih organa da uredno izmiruje obaveze po osnovu direktnih i indirektnih poreza.
- Dokazi iz prethodnog stava ovog člana se dostavljaju kao original ili ovjerena kopija i moraju sadržavati potvrdu da je ponuđač u momentu predaje ponude ispunjavao uslove na koje se odnose isti, te će u slučaju da u ostavljenom roku ne dostavi tražene dokaze ili iste ne dostavi na način i u formi kako je to traženo ovim članom biti isključen iz daljeg učešća u postupku zbog neispunjavanja uslova za kvalifikaciju.

### **Član 4.**

Ova odluka će se objaviti na web stranici Federalne uprave za inspekcijske poslove.

## **Obrazloženje**

Na osnovu odluke direktora Federalne uprave za inspekcijske poslove broj 01-11-11-03148/2024 od 29.5.2024. godine pokrenut je postupak konkurentskog zahtjeva uz primjenu e-aukcije za nabavku roba-kancelarijski materijal za potrebe Federalne uprave za inspekcijske poslove, čija nabavka je planirana Planom nabavki uprave za 2024. godinu-robe, redni broj 1, a procijenjena vrijednost nabavke iznosi 24.000,00 KM, bez uračunatog PDV-a.

Dana 31.5.2024. godine na portalu javnih nabavki BiH je objavljeno obavještenje o nabavci predmetnih roba, broj obavještenja 1292-7-1-9-3-8/24, a 3.6.2024. godine je objavljena ispravka obavještenja broj 1292-7-1-9-8-10/24.

Tenderska dokumentacija je učinjena dostupnom potencijalnim ponuđačima na Portalu javnih nabavki.

Dana 19.6.2024. godine izvršeno je javno otvaranje blagovremeno pristiglih ponuda, te je u zapisniku sa otvaranja ponuda konstatovano da su ponude dostavili slijedeći ponuđači sa pročitanim vrijednostima ponuda:

|    | Naziv/ime ponuđača                     | Koverta ispravno zat. i potp. Ili opečaćena | Ukupna cijena ponude (bez PDV-a) | Ponuđeni popust |
|----|--|---|----------------------------------|-----------------|
| 1. | „INTER-COM“ d.o.o. Zenica              | Da  | 23.922,80 KM                     | Ne              |
| 2. | „PRIMAPROM“ d.o.o. Banja Luka          | Da  | 23.681,19 KM                     | Ne              |
| 3. | „DEFTER“ d.o.o. Sarajevo               | Da  | 23.531,19 KM                     | Ne              |
| 4. | „OFFICE SUPORT“ d.o.o. Sarajevo-Ilidža | Da  | 23.958,64 KM                     | Ne              |
| 5. | „SVJETLOST SARS“ d.d. Sarajevo         | Da  | 23.995,00 KM                     | Ne              |
| 6. | „ELKOM“ d.o.o. Vitez                   | Da  | 23.985,70 KM                     | Ne              |

Komisija je izvršila provjeru kompletnosti i ispravnosti ponuda, na način da su provjeravani način uvezivanja, primjena propisane forme dokumenata koji su sastavni dio ponude, validnosti ponude, potpis ponude i ovjera, te je izvršen pregled i provjera obrazaca i drugih dokumenata, kojom prilikom je utvrdila da su naprijed navedeni ponuđači dostavili uredne ponude u skladu sa zahtjevima tenderske dokumentacije, te da ne postoje razlozi za odbacivanje ponude bilo kojeg od ponuđača.

U daljem toku postupka Komisija je izvršila provjeru računске ispravnosti dostavljenih ponuda, te tom prilikom nije utvrdila računске greške u ponudama.

Postupak e-aukcije je zakazan za dan 25.6.2024. godine sa početkom u 10,00 sati i isti je prema izvještaju AJN trajao do 10,36 sati. Komisija je izvrila uvid u Izvještaj o toku i završetku e-aukcije iz kojeg je utvrdila da je postupak e-aukcije uspješno proveden, te je u izvještaju utvrđena konačna rang lista ponuđača koji su učestvovali u postupku e-aukcije, kako slijedi:

| Naziv /ime ponuđača                    | Cijena sa otvaranja (sa PDV-om) | Evaluirana cijena (KM) | Umanjenje cijene u % | Suštinski odgovarajuća ponuda (DA/NE) | Rang     |
|--|---------------------------------|------------------------|----------------------|---------------------------------------|----------|
| „OFFICE SUPORT“ d.o.o. Sarajevo-Ilidža | 23.958,64 KM                    | <b>16.500,00 KM</b>    | 31,13%               | DA                                    | <b>1</b> |
| „Elkom“ d.o.o. Vitez                   | 23.985,70 KM                    | <b>16.600,00 KM</b>    | 30,79%               | DA                                    | <b>2</b> |
| „Svjetlost Sars“ d.d. Sarajevo         | 23.995,00 KM                    | <b>16.900,00 KM</b>    | 29,57%               | DA                                    | <b>3</b> |
| „DEFTER“ d.o.o. Sarajevo               | 23.531,19 KM                    | <b>17.850,00 KM</b>    | 24,14%               | DA                                    | <b>4</b> |
| „INTER-COM“ d.o.o. Zenica              | 23.922,80 KM                    | <b>23.000,00 KM</b>    | 3,86%                | DA                                    | <b>5</b> |
| „PRIMAPROM“ d.o.o. Banja Luka          | 23.681,19 KM                    | <b>23.681,19 KM</b>    | 0%                   | DA                                    | <b>6</b> |

Kako je kriterij za dodjelu ugovora u konkretnom slučaju „NAJNIŽA CIJENA“, komisija je ocijenila da je najpovoljnija ponuda ona koju je dostavio ponuđač „OFFICE SUPORT“ d.o.o. Sarajevo-Ilidža. Istovremeno je izvršena provjera prihvatljivosti kako pojedinačnih, tako i ukupne ponuđene cijene, kojom prilikom je utvrđeno da je ponuda sa aspekta ponuđenih cijena prihvatljiva, te je dala preporuku direktoru Federalne uprave za inspekcijske poslove da u ime ugovornog organa donese odluku kojom će ugovor o nabavci roba-kancelarijski materijal dodijeliti navedenom ponuđaču.

Nakon razmatranja dostavljene preporuke Direktor Federalne uprave za inspekcijske poslove nije našao razloge, nepravilnosti niti propuste u radu koji bi eventualno predstavljali osnov za neprihvatanje preporuke komisije za javne nabavke, te je odlučio kao u dispozitivu.

**Pouka o pravnom lijeku:** Protiv ove odluke može se izjaviti žalba ugovornom organu u pismenoj formi u roku od 5 (pet) dana od dana prijema iste



Dostaviti:

1. „SVJETLOST - SARS“ d.d Sarajevo, Muhameda Kantardžića broj 3, 71000 Sarajevo
2. „ELKOM“ d.o.o. Vitez, Divjak bb, 72250 Vitez
3. „OFFICE SUPORT“ d.o.o. Sarajevo-Ilidža, Tvornička 3, 71210 Ilidža
4. „DEFTER“ d.o.o. Sarajevo, Gatačka 20, 71000 Sarajevo
5. „PRIMAPROM“ d.o.o. Banja Luka, Vidovdanska bb, 78000 Banja Luka
6. „INTER-COM“ d.o.o. Zenica, Vrandučka 71b, 72000 Zenica
7. Sektor za materijalno-finansijske poslove
8. Sektor za tehničku podršku i plansko-analitičke poslove
9. Komsija za javne nabavke (a/a).

